



Broj: 01,02,03,03/11-05-1-949/23
Sarajevo, 21. 7. 2023.

24-07-2023

**KOLEGIJ PREDSTAVNIČKOG DOMA PSBiH
KOLEGIJ DOMA NARODA PSBiH
KOLEGIJ SEKRETARIJATA**

B

Predmet: Izvještaj s 30. generalne skupštine Interparlamentarne skupštine pravoslavlja koja je održana na Halkidikiju (Republika Grčka).

Članice Delegacije Parlamentarne skupštine Bosne i Hercegovine (PSBiH) u Interparlamentarnoj skupštini pravoslavlja Snježana Novaković-Buršać i Ljubica Miljanović učestvovalе su na jubilarnoj 30. generalnoj skupštini Interparlamentarne skupštine pravoslavlja koja je održana na Halkidikiju (Republika Grčka).

U radu Skupštine učestvovali su predstavnici 19 parlamenata sljedećih zemalja: Albanije, Armenije, Bosne i Hercegovine, Bugarske, Kipra, Egipta, Etiopije, Gruzije, Grčke, Mađarske, Irana, Jordana, Sjeverne Makedonije, Palestine, Poljske, Rumunije, Srbije, Sudana i Ugande, kao i predstavnici međunarodnih institucija i akademske zajednice.

Zamjenik predsjednika Parlamenta Grčke Atanasios Buras otvorio je rad Generalne skupštine, prenijevši srdačne pozdrave predsjednika grčkog parlamenta Konstantinosa Tasulasa. Predstavnici institucija i lokalnih vlasti obratili su se u pozdravnim obraćanjima. Pozdravne poruke pročitali su predstavnici Njegove Svetosti Vaseljenskog patrijarha Vartolomeja, Njegovo Blaženstvo Jeronim drugi, arhiepiskop atinski i cijele Grčke, Njegovo Blaženstvo Teodoros drugi, patrijarh aleksandrijski i cijele Afrike. Također, pozdravne riječi uputili su visokoprepodobni arhimandrit Jelisej, iguman Svetog manastira Simonopetra i dekan Bogoslovskog fakulteta Univerziteta Aristotel Hrizostom Stamulis.

Rad Generalne skupštine otvoren je raspravom na posebnoj tematskoj sjednici: „Uloga hrišćanskih vrijednosti u Evropi i svijetu. Konvergencije i divergencije”.

Nakon detaljnog brifinga savjetnika dr. Koste Migdalisa o toku dijaloga za „Budućnost Evrope“, izvještaje o tematskoj sjednici iznijeli su učesnici – poslanici i predstavnici akademske zajednice.

U ime Delegacije PSBiH učesnicima konferencije obratila se Snježana Novaković-Buršać, koja je u svom govoru istakla da parlamenti moraju ponovo, u ime građana koji su ih birali, postati mjesta u kojima će se donositi održive politike i zakoni, a čija će osnovna svrha biti zaštita vrijednosti, ljudskog dostojanstva, okoliša i izjednačavanja pristupa resursima. Ona je

naglasila da sloboda pojedinca i njegova ljudska prava moraju biti zaštićeni, ali i da se moraju naći rješenja koja će izbjeći zamku da se pod maskom ljudskih prava šire destruktivne ideje, da se pod sloganom slobode govora šire govor mržnje i razarajuće ideje, posebno u virtuelnom svijetu.

Na 30. generalnoj skupštini Interparlamentarne skupštine pravoslavlja usvojena je i deklaracija pod nazivom „Suočavanje s novim izazovima. Pred novim perspektivama“, koja svojim sadržajem definira političke pravce djelovanja Interparlamentarne skupštine pravoslavlja, nastoji unaprijediti institucionalne funkcije i odrediti fokus budućeg djelovanja kao odgovor na aktuelne izazove.

Učesnici jubilarne 30. generalne skupštine Interparlamentarne skupštine pravoslavlja osvrnuli su se i na tri decenije postojanja i djelovanja ove multilateralne parlamentarne organizacije, a raspravljali su i o organizacionim pitanjima Međunarodnog sekretarijata i Generalne skupštine Interparlamentarne skupštine pravoslavlja.

Tokom zasjedanja održani su i izbori za organe ISP-a. Dr. Maksim Karakopoulos, član Parlamenta Grčke, ponovo je izabran za šefa i generalnog sekretara ISP-a. Na prijedlog generalnog sekretara, za novog predsjednika Generalne skupštine organizacije izabran je poslanik u Parlamentu Poljske (Sejm) Evgenij Čikvin, koji zamjenjuje dosadašnjeg predsjednika, člana ruske Državne dume Sergeja Gavrilova. Za zamjenika sekretara izabran je Joanis Sarakiotis. Sastav Međunarodnog sekretarijata ISP-a čine: Joan Vulpesku (Rumunija), Radomir Čolakov (Bugarska), Panikos Leonidu (Kipar), Aleksej Čepa (Rusija), Dirar Aldaud (Jordan) i Sisak Gabrijeljan (Armenija).


Finansijski odbor čine: Artanasios Davakis (Grčka), Ilijas Mirantus (Kipar) i Hračija Hakobjan (Armenija).

Generalni sekretar je, nakon pregleda aktivnosti ISP-a, predložio da naredna generalna skupština bude revizionarna, kako bi se omogućilo efikasnije funkcioniranje međunarodne institucije.


U tu svrhu predložio je osnivanje Komisije za izmjene i dopune Poslovnika, u sastavu: predsjedavajući: Panikos Leonidu (Kipar), članovi: Atanasios Davakis (Grčka), Aleksandar Čotrić (Srbija), Mile Talevski (Sjeverna Makedonija), Irakli Kadagišvili (Gruzija) i Ilijas Bou Sab (Liban). Obnovljeni su mandati savjetnika ISP-a dr. Koste Migdalisa i dr. Aleksandra Fomenka.

Rad jubilarne Generalne skupštine ISP-a zaključen je posebnim događajem za tridesetogodišnji rad tokom kojeg su, u posebno dirljivoj atmosferi, govorili predstavnici Crkve i akademske zajednice koji su bili prisutni na osnivačkoj skupštini održanoj u Ormiliji na Halkidikiju 1993. godine.

Izvj^{est}aj odobrila


Snježana Novaković-Burać

Izvj^{est}aj pripremila

Olja Golijanin


Dostaviti:

- naslovu
- Sektoru za međunarodne odnose i protokol
- Komisiji za vanjske poslove PD
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- a/a